



DEO OPTIMO MAX.
UNI ET TRINO.

VIRGINI DEIPARÆ, ET S. LUÇÆ
Orthodoxorum Medicorum Patrono.



QUÆSTIO MEDICA,

QUODLIBETARIIS DISPUTATIONIBUS
manè discutienda, in Scholis Medicorum, die Jovis
17 Januarii M. DCC. XXXII.

M. ANTONIO CASAMAJOR, Doctore
Medico, Præsidente.

An Dysenteria Venæ Sæptio?



LUORIS alvi ut variae sunt differentiae &
causae, ita dissimilis curatio. Cuius morbo, vel
etiam symptomati, contrarium remedium op-
ponendum; Quod futurum est irritum, nisi cau-
sa tum externa, tum interna prius summovea-

tur, nec solum ab iis, sed etiam ab adjunctis curandi ratio

2

diversa desumitur. Sic Cacoehymiae Purgatio, Plethoræ Phlebotomia rectius decernitur. Si febris adsit, vel inflammatio, aut dolor urgeat, Phlebotomiae locus potior esse debet. Neque tum Alvi profluvium (nisi fortè criticum) viribus eam permittentibus eam dissuadere potest.

I I.

QUALISCUNQUE sit fluxus, tribus generibus comprehenditur. Sinihil ab Alvo mutatus cibus dejiatur *λίπτεα* est communis Ventriculo cum Intestinis: quæ si morbum longum frigidiorum humorum alumnus sequatur, spem salutis adimit. Si Sanguis, multiplicem parit Dysenteriam, nimirum *αιματιερν*, mutilis familiarem: Melancholicam splenicis salutarem: Hepaticam prorsus lethalem: & intestinanem cuius ætati, sed maximè puerili & senili calamitosam: quod si frequens adsit, & liquida cæterorum humorum dejectio, Diarrhœa est quæ vel defectu *απαίσχος* vel Confluxu materiæ, copiâ aut qualitate peccantis exciatur.

I I I.

DYSENTERIA quæ ab affectâ sede nomen habet, omnium molestissima est, ut quæ cæteras doloris vincat acerbitate, nec ullis cedit periculi magnitudine. Nihil est aliud quàm *ελκωσις* Intestinorum nunquam expers doloris, & quæ non rarò Inflammationem, sæpius Febrem inducit. Hæc autem non nunquam ab externis causis, ut pravis alimentis, & acribus Pharmacis, sæpius ab internis; atrâque Bile, aut falsâ Pituitâ ducit originem. Sed hæc mulieribus, illa viris frequentior: utraque contagionis particeps & popularis: maximè verò per Æstatem, si aquiloniam Hiemem Ver australe consequatur.

I V.

TAM atrocis mali periculum colligitur ex parte affectâ, ulceris magnitudine, humoris specie, & interdum ab excretis & symptomatis. Ulcus, si gracile aliquod Intestinum occupet, præsertim Jejunum, vix coalescit: idem si crassum penitus depascatur, ita ut ~~evanescat~~ abjiciat, lethale: ab atrâ itidem Bile si ortum ducat, non minùs quàm occultus Cancer exitiosum: quoad symptomata, longe gravior est Dysenteria, quæ cibi fastidium inducit, quæ Bilis vomitum conjunctum habet quæ cum Febre invadit, & perseverat: quæ nascitur ab inflammatione præcordiorum, quæ varia promit proditque Excrementa, quæ demùm sequitur Abcessum Mesenterii: quamquàm hæc non prorsus desperanda.

V.

QUÆCUNQUE sanabilis est Dysenteria, si quidè interpeſtively ſupprimatur, Abceſſum facit. Ejus curandi initium ſumi debet ab humoris peccantis vacuatione. Cui ſcopo nullum quidem Rheo præſtantius remedium. Cui tamen Senna interdum, Caſſia, aut Catholicum utilius præferetur. Quòd ſi Febris adſit, vel Inflammatio, Dolorque ingens, & Corpus Plethoricum, Phlebotomia longè tutius præmittetur, ut quæ non ſolùm minuatur plenitudo, ſed etiam Febrem & Inflammationem extinguat. Dolorem mitiget, Bilis impetum reprimat, fluxum denique ipſum cohibeat: eaque ſæpiùs magno ſucceſſu repetenda: quâ præmiſſâ locus erit commodior purgantibus medicamentis & adſtringentibus Enematis, Epiceſtictis, hyſnoticis, Narcoticis, dolorem ſedantibus, Balneis contemperantibus, Diureticis deſiccantibus, ſexceptis Spaden-

4

sibus) cæterisque tum medicamentis intemperiem corrigentibus, tum crebris alimentis, quæ vires instaurando, morbo simul adversentur.

Ergo Dysenteriae Venæ Sectio.

DOMINI DOCTORES DISPUTATURI.

M. Claudius De la Vigne de Frecheville, Medicus Regis ordinarius & domus Reginae.

M. Ludovicus De Santeul.

M. Petrus Le Tonnelier.

M. Joannes - Damianus Chevallier.

M. Emanuel - Mauricius Du Verney.

M. Nicolaus Andry, Antiquus Facultatis Decanus & Professor Regius.

M. Claudius Brunet.

M. Ludovicus - Claudius Bourdelin, Regia Scientiarum Academiae.

M. Philippus Hecquet, Antiquus Facultatis Decanus.

Proponebat Parisiis LUDOVICUS - MARIA POUSSE,
Parisinus, Baccalaureus Medicus, A. R. S. H. 1732.
à sextâ ad meridiem.